

07 OCT 2001

SULTAN KEDAH ZIARAHI AGONG DI SINGAPURA

Oleh: Mohamad Nasir Yusoff

SINGAPURA, 7 Okt (Bernama) -- Yang di-Pertuan Agong Sultan Salahuddin Abdul Aziz Shah, yang selamat menjalani pembedahan kecil di Hospital Mount Elizabeth di sini semalam, dikunjungi oleh Sultan Kedah hari ini.

Ketibaan Sultan Kedah di hospital itu disambut oleh Pemangku Raja Selangor Tengku Idris Shah dan Pesuruhjaya Tinggi Malaysia ke Singapura, Hamidon Ali.

Seri Paduka yang berada dalam pemerhatian lanjut di unit rawatan rapi kardiak (CCU), dijangka boleh dipindahkan ke wad petang ini, kata Datuk Paduka Maharajalela Istana Negara, Datuk Zubir Ali.

"Seri Paduka juga sudah dapat menerima kunjungan beberapa anakanda baginda hari ini," katanya kepada Bernama.

Malam tadi, Perdana Menteri Datuk Seri Dr Mahathir Mohamad menziarahi Seri Paduka dari pukul 7.45 malam hingga 8.30 malam.

-- BERNAMA

MNY MOZ